

全唐詩話





全唐詩話

尤袤撰

王雲五主編

靈書集成初編

全唐詩話

中華民國二十五年十二月初版

撰者

尤

袤

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

序

余少有詩癖歲在甲午奉
祠湖曲日與四方勝游專
意吟事大槩與唐人詩誦
之尤習間又裏話錄之纂
記益朋友之見聞彙而書
之名曰全唐詩話未幾驅
馳于外此事便廢邇來三
十有八年矣今又蒙恩便
養湖曲因理故篋復得是

編披覽慨然恍如疇昔浩
歌縱談時也唐自貞觀來
雖尙有六朝聲病而氣韻
雄深駿駿古意開元元和
之盛遂可追配風雅迨會
昌而後刻露華靡盡矣往
往觀世變者於此有感焉
徒詩云乎哉咸淳辛未重
陽日遂初堂書

全唐詩話目錄

卷一

太宗	高宗
中宗	玄宗
德宗	文宗
宣宗	昭宗
武后	徐賢妃
上官昭容	孔紹安
虞世南	魏徵
李百藥	長孫無忌
王勃	馬周
李義府	杜淹
蘇味道	駱賓王
陳子昂	李日知
李景伯	崔融
李適	徐彥伯

李嶠

蘇頌

沈佺期

李行言

張元一

劉希夷

張敬忠

張說

宋璟

王灣

姚崇

趙仁獎

金昌緒

張九齡

王維

王縉

賀知章

李嘉祐

張均

王涯

孟浩然

陶岘

王昌齡

李清

韓滉

王之渙

卷二

劉長卿

章八元

韋應物

朱放

李泌 楊當

皇甫冉 皇甫曾

秦系 顧況

朱絳 楊志堅

劉方平 戎昱

柳郴 薛昇

元載 楊郇伯

梁銓 戴叔倫

于鵠 李益

耿偉 盧綸

韓翃 錢起

司空曙 崔峒

李端 冷朝陽

竇叔向 竇常

竇章 常建

李約 陳通方

楊炎 裴度

韓愈 張籍

李道昌 陸暢

李翔 劉叉

楊巨源 歐陽詹

袁高 閻濟美

裴交泰 劉龜

元稹 白居易

卷三

牛僧孺 李紳

劉禹錫 陳潤

賈島 李正封

崔護 張又新

柳公權 陸鴻漸

章孝標 施肩吾

孟簡 張肅遠

許康佐	張南史
徐凝	令狐楚
張仲素	郎士元
于良史	舒元興
李賀	柳宗元
邵真	李宣遠
王建	朱灣
蘇郁	韋丹
王播	周匡物
劉言史	劉猛
李餘	李涉
劉昭禹	孫昌胤
嚴休復	朱慶餘
楊虞卿	楊汝士
張志和	嚴維
李播	李德裕

鄭還古	裴休
薛宜僚	九老會胡杲
吉皎	劉真
鄭據	盧真
張渾	白居易
卷四	
項斯	滕邁
裴思謙	廖有方
姚合	宋雍
段文昌	劉郇伯
陳彥博	郭良驥
崔嘏	唐球
白敏中	魏扶
馬植	崔鉉
裴夷直	楊敬之
喻兗	楊衡

王彥威

繁知一

雍裕之

張祐

李商隱

劉得仁

王智興

馬戴

鄭顥

李群玉

溫庭筠

王起

丁稜

黃頤

鄭畋

李彙征

劉威

崔郊

來鵬

杜牧

許渾

雍陶

李遠

趙嘏

韋承貽

段成式

韋蟾

李敬方

李郢

李洞

長孫翺

崔魯

高蟾

卷五

于武陵

李頻

劉魯風

褚載

汪遵

盧渥

滕倪

費冠卿

李廓

薛能

曹鄴

聶夷中

張林

崔塗

章碣

方干

衛準

司空圖

秦韜玉

高駢

翁承贊

皮日休

盧延遜

裴說

張爲

韓偓

曹松

杜荀鶴

鄭紫

錢珣

嚴憚

王渙

張曙

翁綬

袁皓

李濟

王祝

韋莊

吳融

公乘億

羅鄴

羅隱

許棠

張嬭

鄭谷

溫憲

李昌符

李山甫

鍾離權

張道古

胡曾

伍唐珪

卷六

韓定辭

同谷子

沈彬

周朴

孫昉

王易簡

范攄之子

鄭雲叟

僧子蘭

僧靈澈

僧靈一

僧清江

僧廣宣

僧法振

僧皎然

僧文秀

僧棲白

僧懷清

僧可朋

僧雲表

僧貫休

僧齊已

僧西蟾

僧清塞

僧文益

僧修睦

僧景雲

僧可止

僧卿雲

僧處默

僧澹交

僧若虛

僧曇域

僧懷浦

僧慕幽

僧尚顏

開元宮人

崔氏

劉氏

薛媛

李季蘭

如意中女子

魚玄機

僖宗宮人

張建封妓

女郎宋若照

女郎張窈窕

女郎劉媛

鶯鶯

不知名

權龍褒

全唐詩話卷之一

明海虞毛胥子晉訂

太宗

貞觀六年九月帝幸慶善宮帝生時故宅也因與貴臣宴賦詩起居郎請平宮商被之管絃命曰功成慶善樂使童子八佾爲九功之舞大宴會與破陣舞偕奏於庭

帝嘗作宮體詩使虞世南虞和世南曰聖作誠工然體非雅正上有所好下必有甚焉恐此詩一傳天下風靡不敢奉詔帝曰朕試卿爾後帝爲詩一篇述古興亡既而嘆曰鍾子期死伯牙不復鼓琴朕此詩何所示耶敕褚遂良卽世南靈座焚之貞觀二十年秋帝幸靈州時破薛延陀回紇諸部遣使入貢乞置官司上爲詩序其事曰雪恥酬百王除凶報千古公卿請勒石於靈州從之

高宗

太平公主武后所生后愛之傾諸女帝擇薛紹尙之假萬年縣爲婚館門隘不能容翟車有司毀垣以入自與安門設燎相屬道總爲枯當時群臣劉禕之詩云夢梓光青陞穠桃藹紫宮元萬頃云離元應春夕帝子降秋期任奉古云帝子升青陞王姬降紫宸郭正一云桂宮初服冕蘭掖早生笄皆納妃出降之意也

中宗

九月九日幸臨渭亭登高作云九日正乘秋三杯興已周泛桂迎罇滿吹花向酒浮長房更早熟彭澤菊初收何藉龍沙上方得恣淹留時景龍三年也序云陶潛盈把旣浮九醞之歡畢卓持螯須盡一生之興人題四韻同賦五言其最後成罰之引滿韋安石得枚字云金風飄菊蕊玉露泣萸枝蘇瓊得暉字云恩深答效淺留醉奉宸暉李嶠得歡字云令節三秋晚重陽九日歡蕭至忠得餘字云

寵極莧房遍恩深菊醉餘寶希玠得明字云九辰陪聖膳萬歲奉承明章嗣立得深字云願陪歡樂事長與歲時深李迥秀得風字云雲雲開曉日仙藻麗秋風趙彥伯得花字云簪挂丹莧藥杯涵紫

菊花楊廉得亭字云遠日瞰秦垌重陽坐漸亭岑

義得淡字云愛豫囑秦垌昇高臨潏淡蘆蕪用得

開字云更依珮裏發菊向酒邊開李咸得直字云

菊黃迎酒泛松翠凌霜直閣朝隱得筵字云簪綬

趨皇極笙歌接御筵沈佺期得長字云臣歡重九

慶日月奉天長薛稷得曆字云願陪九九辰長奉

千千曆蘇頲得時字云年數登高日延齡命賞時

李又得農字云捧饌更香遍稱觴菊氣濃馬懷素

得酒字云蘭將葉布席菊用香浮酒陸景初得臣

字云登高識漢苑問道侍軒臣韋元旦得月字云

雲物開千里天行乘九月李通得高字云禁苑秋

光入宸遊霽色高鄭南金得日字云風起韻虞絃

雲開吐堯日于經野得樽字云桂筵羅玉俎菊醴溢芳樽盧懷慎得還字云鶴似聞琴至人疑宴鎬還是宴也韋安石蘇瓌詩先成于經野盧懷慎最後成罰酒

十月帝誕辰內殿宴聯句潤色鴻業寄賢才帝云

叨居右弼媚鹽梅李嶠運籌帷幄荷時來宗楚客

職掌圖籍澄蓬萊劉憲兩司謬忝謝鍾裴崔湜禮

樂銓管效塵埃鄭愔陳師振旅清九垓趙彥昭忻

承領問侍天杯李適街恩獻壽栢梁臺蘇頲黃縑

青簡奉康哉盧藏用宗伯秩祀天地開薛稷帝歌

難續仰昭回宋之問微臣捧日變寒灰遠慙班左

愧遊陪上官婉兒帝謂侍臣曰今天下無事朝野

多歡欲與卿等詞人時賦詩宴樂可識朕意不須

惜醉大學士李嶠宗楚客等晚奏曰臣等多幸同

遇昌期謬以不才策名文館思勵駑朽庶禪河嶽

既陪天歡不敢不醉此後每遊別殿幸離宮駐蹕

芳苑鳴笳仙禁或戚里宸筵王門毡席無不畢從
景龍四年正月五日御大明殿會吐蕃騎馬之戲
因重爲柏梁體聯句帝曰大明御宇臨萬方皇后
曰顧慚內政翊陶唐長寧公主曰鸞鳴鳳舞向平
陽安樂公主曰秦樓魯館沐恩光太平公主曰無
心爲子輒求郎溫王重茂曰雄才七步謝陳王昭
容上官曰當熊讓輦愧前芳吏部侍郎崔湜曰再
司銓管恩何忘著作郎鄭愔曰文江學海思濟航
考功員外郎武平一曰萬邦考績臣所詳著作郎
閻朝隱曰著作不休出中腸時上疑御史大夫竇
從一將作大匠宗晉卿素不屬文未卽令續二人
固請許之從一曰權豪屏跡肅嚴霜晉卿曰鑄鼎
開嶽造明堂此外遺忘時吐蕃舍人明悉微請令
授筆與之曰玉醴由來獻壽觴上大悅賜與衣服

玄宗

左丞相說右丞相璟太子少傅乾曜同上官命宴

東堂賜詩云赤帝收三傑黃軒舉二臣由來丞相
重分掌國之鈞我有握中璧雙飛席上珍子房推
要道仲子訝風神復輟台衡老將爲調護人鴛鴦
同拜日車騎擁行塵樂聚南宮宴觴連北斗醇俾
子成百揆垂拱問彝倫

開元十六年帝自擇廷臣爲諸州刺史許景先治
虢州源光裕鄭州冠洙宋州鄭溫琦邠州袁仁恭
杭州崔志廉襄州李昇期邢州鄭放定州蔣挺湖
州裴觀滄州崔成遂州凡十一人行詔宰相諸王
御史以上祖道洛濱盛具秦太常樂帛觴水嬉命
高力士賜詩令題座右帝親書且給筆紙令自賦
賁綸三千道之

帝詩云眷言思共理懸寐想惟良猗歎此推擇聲
績著周行賢能旣俟進黎獻實佇康視人當如子
愛人亦如傷講學試誦論阡陌勸耕桑虛譽不可
飾清知不可忘求名跡易見安直德自彰獄訟必

以情教民貴有常恤憚且存老撫弱復綏強勉哉各祇命知子眷萬方

德宗

貞元四年九月賜宴曲江亭帝爲詩序曰朕在位僅將十載實賴忠賢左右克致小康是以擇三令節錫茲宴賞俾大夫卿士得同歡洽也夫共其戚者同其休有其初者貴其終咨爾群僚順朕不暇樂而能節職思其憂咸若時則庶乎理矣因重賜之會聊示所懷詩云早衣對庭燎躬化勤意誠時此萬機暇適與佳節并曲池深寒流芳菊含金英乾坤爽氣澄臺殿秋光清朝野慶年豐高會多歡聲永懷無荒戒艮事同期情因詔曰卿等重陽會宴朕想歡洽欣慰良多情發于中因製詩序令賜卿等一本可中書門下簡定文詞士三五十人應制同用清字明日內於延英門進來宰臣李泌等雖奉詔簡擇難於取舍由是百僚皆和上自考其

詩以劉太真及李紆等四人爲上等鮑防于邵等四人爲次等張濛殷亮等二十三人爲下等而李晟馬燧李泌三宰相之詩不加考第

韋綬以內相感心疾罷還第帝九日作黃菊歌顧左右曰安可不示韋綬遣使持往綬遂奉和附使進帝曰爲文不已豈願養耶勅曰自今勿復爾

文宗

裴度拜中書令以疾未任朝謝上已曲江賜宴群臣賦詩帝遣中使賜度詩曰注想待元老識君恨不早我家柱石衰憂來學丘禱仍賜御札曰朕詩集中欲得見卿唱和詩故令示此卿疾未差可他日進來御札及門而度薨

帝聽政暇博覽群書一日延英顧問宰相詩云呦呦鹿鳴食野之苹萃是何草時宰相楊珪楊嗣復陳夷行相顧未對珪曰臣按爾雅萃是蘋蕭上曰朕看毛詩疏葉圓而花白叢生野中似非蘋蕭

又一日問宰臣古詩云輕衫視跳脫跳脫是何物
宰臣未對上曰卽今之脫劍也眞詰言安妃有斷
果金跳脫是臂飾

嘗吟杜甫曲江篇云江頭宮殿瑣千門細柳新蒲
爲誰綠乃知天寶以前樓臺之盛鄭注乃命神策
軍淘曲江昆明二池許公卿立亭館兩軍造紫雲
樓彩霞亭內出樓額賜之

宣宗

帝好進士及第每對朝臣問及苟有科名對者必
大喜便問所試詩賦題目并主司姓名或佳人物
偶不中第必歎惜移時嘗於內自題鄉貢進士李
道龍白居易之死帝以詩弔之曰綴玉聯珠六十
年誰教冥路作詩仙浮雲不繫名居易造化無爲
字樂天童子解吟長恨曲胡兒能唱琵琶篇文章
已滿行人耳一度思卿一愴然帝製秦邊陞曲其
詞曰海岳咸通及帝垂拱而年號咸通焉庶子裴

憚進詩賀聖政有太康字帝怒曰太康失邦乃以
比我戶部韋渙奏云晉平吳寇改號太康雖有失
邦之言乃見歸美之文上曰天子大須博覽不然
幾錯憚罪

舊制盛春內殿賜宴三日帝妙音律每先裁製新
曲俾禁中女伶迭相教授至是出宮女數百分行
連袂而歌其曲有曰播皇猷者率高冠方屨褒衣
博帶趨走俯仰皆合規矩于于然有唐堯之風焉
有曰慈女躡歌隊者率言慈嶺之士樂河湟故地
歸國復爲唐民也若霓裳曲者皆執節幘被羽服
態度凝碧飄飄然有翔雲舞鶴見左右如是數十
曲流傳民間

出令狐澄
正陵遺事

昭宗

陝府唐昭宗有詩云安得有英雄迎歸大內中或
曰逍遙樓有太宗詩云昔乘匹馬去今驅萬乘來
志意不侔矣

武后

天授二年臘卿相欲詐稱花發請幸上苑有所謀也許之尋疑有異圖先遣使宣詔曰明朝道上苑火急報春知花須連夜發莫待曉風吹於是凌晨名花布苑群臣咸服其異后託術以移唐祚此皆妖妄不足信也凡太后之詩文皆元萬頃崔融輩爲之

萬歲通天元年鑄九鼎成置于東都明堂之庭后自製曳鼎歌令曳鼎者唱和開元二年太子賓客薛謙光獻東都九鼎銘其蔡州鼎銘武后所製文曰儀農首出軒昊應期唐虞繼踵湯禹乘時天下光宅域內雍熙上玄降靈方建隆基紫微令姚崇奏曰聖人啓運休兆必彰請宣付史館

明皇御名已兆於此

徐賢妃

貞觀二十三年上疏諫太宗息兵罷役其略曰大業者易騎願陛下難之善始者難終願陛下易之

又曰漆器非延叛之方築造之而人叛玉杯豈招亡之術紂用之而國亡侈麗之源不可不遏作法於儉猶恐其奢作法於奢何以制後

上官昭容

張說作昭容文集序云古者有女史記功書過有女尚書決事宮闈昭容兩朝專美一日萬機顧問不遺應接如響雖漢稱班婕妤晉譽左嬪文章之道不殊輔佐之功則異迹秘九天之上身沒重泉之下嘉猷令範代罕得聞庶姬後學嗚呼可仰然則大君據四海之圖懸百靈之命喜則九圍挾纘怒則千里流血靜則黔黎乂安動則蒼吐罷弊入耳之語諒其難乎貴而勢大者疑賤而禮絕者隔近而言輕者忽遠而意忠者忤惟窈窕柔曼誘掖善心忘味九德之衢傾情六藝之圃故登崑巡海之意棲剪胡刈越之威息瘳臺珍服之態消從禽嗜樂之端廢獨使溫柔之教漸於生人風雅之聲流

於來棄非夫元黃毓粹正明助恩衆妙扶識群靈
扶志誕異人之寶授與王之瑞其孰能臻斯銘乎
鎮國太平公主道高帝妹才重天人昔嘗共游東
璧同宴北海條來忽往物在人亡閼雕珪之殘言
悲素扇之空曲上聞天子求椒房之故事有命史
臣叙蘭臺之新集

中宗正月晦日幸昆明池賦詩群臣應制百餘篇
帳殿前結綵樓命詔客選一篇爲新翻御製曲從
臣悉集其下須臾紙落如飛各認其名而懷之既
退惟沈宋二詩不下移時一紙飛墜競取而觀乃
沈詩也及聞其評曰二詩工力悉敵沈詩落句云
微臣雕朽質羞覩豫章才蓋詞氣已竭宋詩云不
愁明月盡自有夜珠來猶陡健舉沈乃伏不敢復
爭宋之問詩曰春豫靈池近滄波帳殿開丹凌石
鯨動槎拂斗牛回節晦質全落春遲柳暗催象演
看洛景燒劫辯沉灰鎬飲周文樂汾歌漢武才不

愁明月盡自有夜珠來昭容名婉兒西臺侍郎儀
之孫父廷芝與儀死武后時母鄭方姓夢巨人昇
大秤曰持此秤量天下昭容生踰月母戲曰秤量
者豈汝耶輒啞然應後內裴機政符其夢云自通
天以來內掌詔命中宗立進拜昭容帝引名儒賜
宴賦詩婉兒常代帝及后長寧安樂二公主衆篇
並作而采麗益新又差第群臣所賦賜金爵故朝
廷靡然成風當時屬詞大抵浮靡然皆有可觀昭
容力也韋后之敗斬關下

孔紹安

大業末爲監察御史高祖爲隋討賊河東紹安監
其軍深見接遇高祖受禪紹安自洛陽間行來奔
高祖大悅拜內史舍人時夏侯端亦嘗爲御史先
來歸紹安授秘書監因侍宴詠石榴有祗爲時來
晚開花不見春之句武德中令狐德棻欲補正歷
代史詔各差官主修一代紹安以中書舍人與崔